



UNIVERSITÄTS-
BIBLIOTHEK
PADERBORN

Universitätsbibliothek Paderborn

Acta Ecclesiae Mediolanensis

Acta Synodalia Dioecesana Ecclesiae Mediolanensis, Pars Secunda

Borromeo, Carlo

Brixiae, 1603

De pr[a]eparatione corporis.

urn:nbn:de:hbz:466:1-11399

bit Parochus, & opportunè præmonebit.

In primis quò ardenter sanctum amorem, qui in sacra communione requiriatur, fideles in se excitent, illos docebit, quo modo eo temporis momento quo sacram Eucharistiam sumunt, passionem Christi Domini, ex cuius vulneribus pius ille amor hauritur, religiose medientur: tum etiam considerent præsens il lud beneficium, in quo tanta cum dignatione, in amensq; charitate Christus Iesus se communicat, & intimè illis se coniungit.

Deinde, vt spem eorum inflammet, demonstrabit, tunc temporis illis confundendum, in Christo Domino esse quidquid piam Christianorū fiduciam, speque excitare potest: cùm i pse sit & omni potens, qui omne bonum conferre pot; & summè benignus, qui magis desiderat conferre nobis sua dona, quam nos recipere; & sapiens, qui benè nouit, que nobis & expedient, & opus sunt ad salutem.

Ac præterea ad hoc illos instruet, vt in ipsa sanctissima communione, toto corde, omniq; intimi animi pietate Deo gratias agant de tanto beneficio, infinitaq; charitate, qua erga populum Christianum vius.

De preparatione corporis.

NEQUE

verò animi solum, sed etiam corporis præparatione opus est. De qua hec Parochus proponet.

Vt ieuniū fidèles ad sacram mensam accedant, ita vt saltem dimidia antecedētis diei nocte, usque ad illud temporis punctum quo Eucharistiam accipiunt: nihil omnino comederint, aut biberint; etiam si postea dormierint, quam comederunt.

Sed præstantissimi huius sacramenti dignitas hoc postulat, vt pridie illius diei quo illud sumunt, ieunium celebrēt, aut saltem parcus coenent: & quod fideles aliquando facere consueuerunt, in orationibus, pijsq; meditationibus partem noctis vigilent, aut saltem prolixius orent, quam alii soliti sunt.

Postulat etiam, vt qui matrimonio iun-

eti sunt, aliquo dies à concubitu vxorum abstineant, Davidis exemplo admoniti, qui propositionis panes cùm à 1. Reg. 11, sacerdote suscepimus esset, se suosq; pueros ab uxorum consuetudine puros iam tres ipsos dies esse professus est: & ex canone etiam veteri, qui tres, vel quatuor, aut esiam octo dies abstinentiæ in hoc genere proponit.

Quod ad corporis habitum pertinet, quem in sacra communione adhibeant, hæc Parochus præmonebit, & curabit. Vt summa reverentia, omniq; humilitate fideles accedant, & sumant.

Oculis non vagis, sed in Christi corpus pie conjectis.

Barbe pilis circa os benè præcisis.

Ore supra pannum lineum suppositum modestè porrecto.

Capite non demissō.

Lingua paululum labrum inferius intus attingente, non tamen extra os prominente in qua particulam suscipiant: neque linguam ipsam retrahant, priusquam presbyter manum remouerit: tum verò caput humiliter demittant.

Ita etiam vt suspirijs abstineant, quibus particulae possint excuti.

Manibus pectori admotis instar Crucis, ex veteri fidelium disciplina: aut supplicibus, iisdemq; nudis.

Pallio quantum fieri possit, exhibito.

Non birretis, pil eisve pluma inaniter ornatis.

Armis depositis.

Toto denique corporis habitu decenti, humili, & mode sto, non sordido.

Mulieres, non sumptuosis, non caudatis vestibus; non crinibus intortis; non succo, aut pigmentis vultu illitos; non pectore nudo, aut tenui velo obtecto; sed ita vestito, vt ne præter faciem quidquam nudum cernatur.

Velo dento benè super faciem demissō.

Omnes autem genibus flexis,

Non pectore brachiisve scabello innixi: neq; biretto, aut chirothecis, vel alia re super panno collocata.

Nil præterea dabunt.

Nec verò candela accensa utentur, nisi in Pascha.

Omni modestia surgent, & à mensa discendent.

P 4 De